

葛仙翁肘後備急方序

醫有方古也古以來著方書者無慮數十百家其方殆未可以數計篇帙浩瀚苟無良醫師安所適從况窮鄉遠地有病無醫有方無藥其不罹夭折者幾希丹陽葛稚川夷考古今醫家之說驗其方簡要易得針灸分寸易曉必可以救人於死者為肘後備急方使有病者得之雖無韓伯休家自有藥雖無封君達人可為醫其以備急固宜華陽陶弘景曰葛之此製利世實多但行之既久不無謬誤乃著百一方疏於備急之後訛者正之缺者補之附以炮製服食諸法纖悉備具仍區別內外他犯為三條可不費討尋開卷見病其以備急益宜葛陶二君世共知

道藏輯要

肘後備急方序

壹

虛集十  
六上之

為有道之士於學無所不貫於術無所不通然猶積年僅成此編蓋一方一論已試而後錄之非徒採其簡易而已人能家置一帙遇病得方方必已病如厯下和之肆舉皆美玉入伯樂之廐無非駿足可以易而忽之邪葛自序云人能起信可免天橫意可見矣自天地大變此方湮沒幾絕聞一存者闕以自寶是豈制方本意運帥烏侯夙多疹疾宦學之餘留心於醫藥前接察河南北道得此方於平鄉郭氏郭之婦翁蓋得之於掖庭變亂之際與身存亡未嘗輕以示人道今而出焉天也侯命工刻之以趣其成唯恐病者見方之晚也雖然方之顯晦而人之生死休戚係焉出自有時而隱痛惻但如是其急者不忍人之心

也有不忍人之心斯有不忍人之政矣則侯之仁斯民也豈直一方書而已乎方之出乃吾仁心之發見者也因以序見命特書其始末以告夫未知者至元丙子季秋稷亭段成已題

道藏輯要

肘後備急方序

二

虛集十  
多

王一天師清微弟子共百堅製作

道教學術資訊網站

葛仙翁肘後備急方序亦名肘後卒救方  
隱名又名百一方

抱朴子丹陽葛稚川曰余既窮覽墳索以著述餘暇兼綜術數  
省仲景元化劉戴祕要金匱綠秩黃素方近將千卷慮其混雜  
煩重有求難得故周流華夏九州之中收拾奇異摭拾遺逸選  
而集之使種類殊分緩急易簡凡爲百卷名曰玉函然非有力  
不能盡寫又見周甘唐阮諸家各作備急既不能窮諸病狀兼  
多珍貴之藥豈貧家野居所能立辦又使人用鍼自非究習醫  
方素識明堂流注者則身中榮衛尙不知其所在安能用鍼以  
治之哉是使鳧雁擊擊牛羊搏噬無以異也雖有其方猶不免  
殘害之疾余今採其要約以爲肘後救卒三卷率多易得之藥  
道藏輯要

肘後備急方序

三 虛集十

其不獲已須買之者亦皆賤價草石所在皆有兼之以灸灸但  
言其分寸不名孔穴凡人覽之可了其所用或不出乎垣籬之  
內顧盼可具苟能信之庶免橫禍焉世俗苦於貴遠賤近是古  
非今恐見此方無黃帝倉公和鵠踰跗之目不能採用安可強  
乎